

正寧縣志卷之五

建置志

陽曲折遇蘭佩湘氏撰

城池

附帝集

易曰重門擊柝以待暴客周禮城郭溝池具頒其制蓋增隄浚隍亦聊以固吾圉耳小邑無金墉鐵甕之觀然登城四望南山如屏儼資保障西亘長川岡巒環列其東則長城馳道秦人之所經營也北控胡羌密邇環慶非唐宋以來用武之地乎守茲邑者築之而高鑿之而深其何以有備而無恐

正寧縣志

建置

城池

一

若夫司關聯帝事以類從益詳考而附於左

土城始築無考元至正間守尉樞密院副使張天福修高三丈四尺長三百九十五丈一尺根厚四丈頂厚二丈池深一丈東西二門崇正七年知縣安如嵩創開南門天啓間知縣閻國脉脩

國朝乾隆十年知縣邵必昌於欽奉

上諭事案內奉文勘估城工共估銀一千九十八兩九錢八分六釐五毫列爲緩工遇水旱不齊之年歸於以工代賑案內辦理乾隆二十八九年奉文

勘估知縣折遇蘭報明續圻段落共估需工料銀一萬五千一百九十五兩一錢四分二釐三毫七絲五忽仍列爲緩工

城南羅水冲激城身已成危險知縣折遇蘭屢經稟報有案乾隆二十九年請築石堤四十八丈估需工料銀九千六百二十三兩二錢八分二釐俟水旱不齊之年與城工一并辦理

各鎮

平子城 在縣北三十里高二丈一尺東西長二十

正寧縣志

建置

城池

二

八丈南北長三十六丈五尺池深一丈東南北三門

山河城 在縣東六十里高三丈東西長六十丈五尺南北長四十丈七尺池深一丈東西二門

湫頭城 在縣東六十里高三丈五尺東西長五十五丈五尺南北長三十二丈七尺池深一丈東西二門

帝集

本城 每月一十五集隔日一集

平子鎮 每月六集三八日集

山河鎮 每月九集二六九日集

湫頭鎮 每月九集一五八日集

豐集 每月六集逢四十日集

按城池爲地方保障必崇墉浚隍斯足以資守禦而壯觀瞻縣城土垣殘缺已無完堞而城南緊逼羅川年有冲决城身僅餘一線欲議固城須先築壩舉而新之蓋非數萬金不可茲以千餘金估報恐因陋就簡使茲邑不復有完城矣雖然昔李勣

正寧縣志

建置

城池 市集

三

治并州朝廷謂其賢於長城使守土者盡如勣何必金城湯池以爲固哉

正寧縣志卷之五

建置志

陽曲折遇蘭佩湘氏撰

公署

國家設官分職必并其居處而經營之蓋出政臨民之所古人取象於天使百爾臣工皆得體此意以敬天勤民厥體至隆厥義綦重登其堂者顧名思義庶幾民具爾瞻之旨矣詩曰君子攸芋君子攸躋重公署也

縣治 在城東北明洪武二年縣丞黃翼之重修宏

正寧縣志

建置 公署

治間知縣劉曰文重脩

大堂五間 二堂三間 三堂三間 書房三間

內宅十間 宅門一重 儀門一重 大門一重

上為醮樓 六房十二間

庫 在二堂西

獄 在儀門外東南

戒石亭 在甬道中廢

寅賓館 在大門內廢

申明亭 在大門外廢

旌善亭 在大門外廢

典史署 在縣署西

駐防營 在縣城

舊置 布政分司 按察分司 俱在縣治南久廢

府館廢 縣丞衙廢 主簿衙廢 雕嶺巡司在城東一  
百里廢

僧會司在縣治萬壽寺 道會司在縣治東廢

陰陽學廢 醫學廢 漏澤園在縣城西廢

察院在縣治十字街北廢

養濟院在縣治北街

正寧縣志

建置

公署

正寧縣志卷之五

建置志

陽曲折遇蘭佩湘氏撰

郵傳

驛額繁簡因乎地之衝僻勢使然也至細而爲舖則已無驛之可言顧文檄簿書終無虛日遞送遲速固政治之勤惰所由關也爰考其沿革論其得失以俟留心驛政者隨時酌量調劑云

明嘉隆時馬價出自糧石募者沿戶私徵萬歷間計糧石分日支應民俱苦之後又爲條銀募馬挨里

正寧縣志

建置

郵傳

一

順甲之議知縣閻國脉於二十一里中每年選募一十三家每家各正馬一匹副馬一匹共計馬二十六匹歲終更換

國朝順治間奉

旨官養走遞馬十匹驛十頭八號召募馬夫三名槽頭一名節經裁廢改設夫役二名遞送公文每名每日支給工食銀三分一歲連閭共支銀二十三兩四錢

按本邑郵政申上公文從縣遞至寧州轉遞上行

公文從寧州轉遞至縣寧州至縣計程九十里山谷紆遠而公文殆無虛日若按限遞送勢固不免於拮据至本縣夫役二名額支工食無幾發送公文日不暇給其勢不得不積前待後查每年協濟政平驛所夫銀五十一兩三錢五分一毫零原以供往來接遞之需而若輦坐銷工食計每歲接遞或一二次或竟無一次寧州額支工食已可敷用不若停其協濟而於寧州正寧適中之地設立腰站之爲得也

# 正寧縣志

建置

郵傳

二

正寧縣志卷之五

建置志

陽曲折遇蘭佩湘氏撰

學校

先儒論學曰尋孔顏樂處是道也國家以之化民成俗儒者以之脩道立教措之爲鹽梅燮理而無所加於身藏之爲陋巷簞瓢而無所歎於已所以引天下於至樂之中而使之樂其樂也今

國家賓興長養之方遠軼前代卽以羅川一隅而學校規模旣詳且備士生其間亦旣鼓舞奮興蒸蒸

正寧縣志

建置

學校

一

日上矣顧三年小成七年大成豈惟是工帖括取科名而已哉亦將有所樂乎此耶

儒學 在縣治東文廟後明洪武二年知縣郭鈞建  
成化間同知李著增脩嘉靖間知縣馬存仁張國政教諭王政強晟相繼脩葺

國朝順治十六年知縣王士麟脩康熙三十六年知縣俞作霖脩雍正三年知縣蕭天華繼葺乾隆二十五年知縣諸爲霖訓導朱徵庸重脩

學額 廩生二十名 增生二十名 每歲科試入



學文生各十二名武生每歲試入學八名  
學生三年兩貢

射圃 在啟聖祠後

書籍

周易折衷六部計六十本

書經傳說彙纂六部計一百四十四本

詩經傳說彙纂六部計一百四十四本

禮記義疏一部共八十三本

春秋傳說彙纂六部共一百四十四本

### 正寧縣志

建置

學校

二

儀禮義疏一部共五十本

周官義疏一部共四十九本

性理精義一部共三十本

朱子全書六部計一百九十二本

日講四書解義六部計七十二本

十三經註疏各一部 史記一部

前漢書一部 後漢書一部

三國志一部 晉書一部

宋書一部 南齊書一部

梁書一部

陳書一部

後魏書一部

北齊書一部

後周書一部

南史一部

北史一部

隋書一部

唐書一部

五代史一部

宋史一部

遼史一部

金史一部

元史一部

明史一部

祭器圖一本

樂章一本

大清律一部

### 正寧縣志

#### 建置

#### 學校

三

義學 在縣治西門外乾隆五年知縣茹璽創建正屋三間左右各三間大門一間額曰羅川書院乾隆二十八年知縣折遇蘭增建講堂三間學舍四間重脩舊房九間大門一間設立膏火考錄生童延師講課

#### 義學田地

一田六十畝 知縣折遇蘭設

一段六畝坐落菜子堦背南北畛

一段八畝坐落塚子前南北畛

一段二十畝坐落杏樹墳南北畛

一段十畝坐落菜子塬畔南北畛

一段十畝坐落北凸南北畛

一段六畝坐落菜子出道南北畛

一田九十五畝 知縣折遇蘭設

一段二十三畝坐落後庄堦 東至路西至官路南至聶姓北至小路

一段十八畝坐落後庄堦背子 東至塹畔西至官路南至劉姓北至

梁姓

一段二十四畝坐落黑牛嘴 東至溝畔西至官路南至梁姓北至李姓

### 正寧縣志

#### 建置

學校

四

一段四畝坐落黑牛嘴 東至官路西至路南至聶姓北至趙姓

一段十四畝坐落圓溝畔 東至溝畔西至趙姓南至鞏姓北至趙姓

一段六畝坐落大圪塔 東至溝西至路南至路北至鞏姓

一段六畝坐落塲下 四至未詳

一田九十四畝

一段二十四畝坐落循子圪塔 南至溝畔西至官路南至趙姓北至

路姓

一段十畝坐落北凹上 東至塹畔西至官路北至李姓南至路姓

一段二十四畝坐落上北凹 東至塹畔西至官路北至趙姓南至李姓

一段十二畝坐落風嘴 東至溝畔西至鞏姓南至路北至溝畔

一段十八畝坐落後庄堦 東至官路西至官路南至趙姓北至桑姓

一段三畝坐落後庄堦 上至桑姓下至聶姓

一段三畝坐落風凸塢 東至塢畔西至鞏姓上至劉姓下至溝

以上共地二百四十九畝

一田一頃一十畝 坐景公墳知縣折遇蘭設

一段十五畝坐落墳西南北畛

一段十五畝坐落墳東南北畛

一段二十九畝坐落墳西南北畛

### 正寧縣志

#### 建置

學校

五

一段十四畝坐落墳東南北畛

一段十四畝坐落墳東南北畛

一段十八畝坐落墳南南北北畛

一段六畝坐落墳北南北北畛

以上俱平原地

一田七頃二十畝 坐落東山知縣茹璽設

一所三十畝坐落木瓜溝 東至塢畔西至天河南至河北至路

一所八十畝坐落湫澤 東至寇家溝南至樺圪塔西至水北至水

一所一百六十畝坐落雷堡 東至腰峴西至腰峴南至水北至官路

一所五十畝坐落堽紫窪東至槐庄南至河渠山根西至染家庄柳樹灣  
北至何家灣

一所三十畝坐落木瓜溝東至賀家坨西至塢畔南至河北至嶺畔

一所五十畝坐落白楊林東至墩臺南至官路西至成子嶺北至水

一所五十畝坐落木瓜溝東至西溝天河水西至王家山水南至河北至

官路

一所七十畝坐落劉家山東至溝水西至渠水南至丁姓墳北至河渠陽

坨

一所一頃坐落仁府里東至水南至官路西至水北至水

### 正寧縣志

#### 建置

學校

六

一所一頃坐落丁家山東至官路西至皮風店南至水北至水

以上其地十頃七十九畝塬阜山田半之每年

着落鄉約募報種戶官為酌定夏秋租粟給予

執照承種交租所收租粟官為司其出入交充

膏火如有贏餘另登清冊以備歉歲之需 查

東山地畝凸凹居多是以向例每年統收租穀

二十石不免租額太輕其餘地畝均屬新設俟

試種一二年後應酌定租額以垂永久附識於

此

按羅川在甘省向有文名明時科第甲於北郡而  
景清趙乾所輩亮節清風昭垂史冊非學校之效  
歟我

國家培養教育百有餘年士之蓄道德而能文章者  
卓乎不減前賢或擢元魁或與選拔後生小子取  
法最便乃近科以來杳無鄉薦詢之諸生則咸以  
半耕半讀爲辭夫耕者小人之業大儒所不爲然  
孟子曰伊尹耕於有莘之野而樂堯舜之道焉果  
能半耕半讀尚可馴致聖賢若并此半讀而無之

## 正寧縣志

建置

學校

七

直農夫耳况不能讀又不能耕而曰我儒者也不  
爲農夫笑哉諸生勉之勿謂古今人不相及也

